



**Henricus Rudolphus Redeker/ IC. Univers. Rostoch. Rector, & Fac. Iur. Decanus
... ad Triumphum Archangelo Michaeli, & toti exercitui coelesti, hodie decretum,
devoto cultu & pura mente celebrandum Omnes omnium ordinum Cives
Academicos, ea, qua decet, religione hortatur**

Rostochii: Keilenbergius, 1679

<http://purl.uni-rostock.de/rosdok/ppn742505405>

Druck Freier  Zugang





J. 512.

—

1679. Mich.

~~A-1256.³²~~

1679.
HENRICUS RU-
DOLPHUS Redeker / IC.

Univerf. Rostoch. R E C T O R,

& Fac. Jur. DECANUS, Serenifs. Ducis

Meghleb. Confil. intimus, Confiftorijq;

Ducalis Affeffor,



ad Triumphum

ARCHANGELO

MICHAELI,

& toti exercitui cœlesti, hodiè decretum,
devoto cultu & purâ mente celebrandum

Omnes omnium ordinum Cives

Academicos, eâ, qvâ decet,
religione hortatur.



ROSTOCHII,

Typis FRIDERICI KEILENBERGII,

Academ. Typographi.

An. M DC LXXIX.

M. 1256 32



Salutem & victoriam in Triumphatore
Augustissimo!



Plendidissimus, & ex rerum gestarum magnitudine, gloriosissimus titulus, est, qui Divo Justiniano, Romanorum Imperatori & Legislatori felicissimo, tribuitur: **VICTOR AC TRIUMPHATOR SEMPER AUGUSTUS.** Quò enim labor, præprimis per prudentiam disciplinæ militaris, & præclara facinora, in salutem populi & securitatem Reipub. semet eximiùs ostendit, eò majorem & illustriorem nominis gloriam, quàm boni Imperatores in perpetuum vivere intelliguntur, posteritati relinquit. Illa autem virtutis bellicæ cognomen & encomia, non ex populari adulatione, nec ex potestatis ambitiosâ ostentatione, sed ex sudoribus bellicis, factisq; heroicis optimus Imperator sibi comparavit. Siquidẽ de Persis non tantum, quos cruento prælio in Asiâ fudit, sed & de Vandalis, ferocissimis ceterum populis, qui animorum simul & corporum hostes erant, & Africam, ad integrum penè seculum

lum à Romano Imperio avulsam, miserè captivatam
tenuerunt, magnificentissimos Triumphos egit. Su-
premus vero omnium honorum, qui propter res in
militiâ fortiter gestas decernitur, triumphus est, isq;
quò victoris persona eminentior, & facta illustriora
sunt, eò inlustriori cum pompâ, & majori solenni-
tate decernitur. Triumphus vocem origine græcam
esse, post Varronem & Carol, Sigonium, solliciti vo-
cum censores arbitrantur; sumtam à Bachi sive Liberi
patris cognomine θρίαμβω, qui primus, devictâ Indiâ,
in curru rigidum hujus honoris auctor fuisse tradi-
tur, illiq; à suis acclamatum, τὸ θρίαμβε: cui respondet
illud Romanorum militum, Livio narratum, *Jo triumph-
phe! jo triumphhe!* Ast Isidorus, ex Tranquilli senten-
tiâ, latinam esse vocem affirmat; quod, qui trium-
pharet, triplici judicio honoraretur: Primo Exerci-
tus, qui de triumpho Imperatori suo ex merito decer-
nendo judicabat: Secundo Senatus, à quo triumphus
petebatur, quiq; factò Sc. populo diem indicabat, ne
tamen triumpharet, nisi qui quinque millia hominum
unâ acie cæcidisset; Tertio Populi, qui partim victo-
ris acclamationibus, partim autem cavillationibus &
inconditis jocis, triumphantem sequebantur. Cete-
rum cum durior videatur & è longo nimis quæsitâ illa
græca originatio, quâ θ in t: a in u: β in ph, mutatur, &
aspiratio ex primâ in novissimâ syllabam rejicitur: Ita
nec latina illa derivatio grammatica est, sed talis qua-
lem

lem JC. ex qualitate rerum, vocibus applicare sive-
runt. Nos equidem hujuscemodi vocum litigia, quæ
ad egregium publicum nihil referunt, Grammaticis,
quibus otium suppetit & incruenta certamina sunt, re-
linquimus, id tamen ad rem ipsam proximius facere
videtur, quod non tantum Græcis Romanisque; Impe-
ratoribus triumphalia ornamenta sint exhibita, sed
aliis etiam gentibus, imò ipsi populo Israelitico usitata.
Ita enim incōparabili Heroi Davidi, post quā Goliathū,
qui ante victoriam triumphū agebat, quinque lapidibus
occidit, populumque ejus in fugam dedit, liberati ab im-
minentis periculo occiderunt; *Saul percussit mille, &
David decem millia.* Et cum Judith Holofernem, Assyrii
exercitus, interitum genti Israeliticæ minitantis, Im-
peratorem jugulasset, omnes populi gaudebant, cum
mulieribus, virginibus, & mulieribus. Nulli autem
mortalium tantā cum gloriā, tantoque cum splendore
& pompā triumphalia ornamenta insigniaque circum-
duxerunt quā ipsi Romani, cum quorū etiā cunabu-
lis triumphandi ritus censetur cœpisse. Ipse Romulus,
Urbis & Reip. Romanæ Stator, cum Veientes superas-
set, de illis magnificè triumphavit, ducto, inter mul-
tos alios captivos Veientiū, cum sacra triumphalia fie-
rēt, ipso duce, in Capitoliū, uti Plutarch. in ejus vitā me-
morat: Julius Cæsar, Imperatoriæ majestatis fundator,
qui prosperrimè semper, nec ancipiti quidē fortunā,
præter quā bis, dimicavit, confectis bellis, quinque tri-
um-

umphavit. Et quidem Pontico triumpho inter
pompæ fercula trium verborum prætulit titulum.
VENI. VIDI. VICI. docente Tranquillo in ejus
vitâ c. 37. & seqq. Maximus autem & splendi-
dissimus triumphus, qui Romæ fuerunt, Pompejo
magno ascribitur, teste *Chassan. in Catal. glor.
mundi p. 1. cons. 36.* Cæsar Caligula, uti itidem Sve-
ton, in ejus vitâ, auctor est, procuratoribus scripsit,
*Triumphum appararent quàm minima summa; sed
quantus nunquam alius fuisset: quando in omnium ho-
minum bona jus haberent: sed nefandæ atrocitatis
consilium iniens, brevi post morte præventus est.*
Alphonsi Regis, post captam Neapolim & finem
bello inpositum, fulgidissimum triumphum,
quem anno 1443. celebravit, Martinius in suo Lexi-
co philologico, cum memoratu digna contineat,
recenset. Verum uti mortaliū res gestæ, & extru-
cta opera, licet stupendæ magnitudinis sint, fluxa
sunt, nec omnibus partibus beata, ita hujuscemodi
etiam triumphî sua sentiunt incommoda. Ne
enim, quod plerisque, aut potius omnibus, usu veni-
re sive vir, victores triumphatoresque; admirandis for-
tunæ successibus ad potentiam fastumque; extollan-
tur, aut plus æquo superbiant, soliti sunt abjectissi-
mi quique, triumphalem curram sequentes, diver-
sis convitiis triumphantes laceffere. Ita triumphan-
te Julio Cæsare fuerunt milites qui clamaverunt. *Gal-
lias*


has subegit Casar, Nicomedes Casarem. Item, Roma-
ni servate uxores, Mechum calvum adducimus. Hinc
Romanorum Tullius: Differes de triumpho, quid
tandem habet iste currus? quid vincti ante currum Du-
ces? quid simulacra oppidorum? quid aurum? quid ar-
gentum? quid legati & tribuni in equis? quid clamor
militum? quid tota illa pompa? inania sunt ista, mihi
crede, delectamenta penè liberorum. Et alibi: Is demum
est, mea sententia, iustus triumphus ac verus, cum bene
de repub. meritis testimonium à consensu civitatis da-
tur. Cum sæpius in speciem adulationis vel am-
bitionis triumphus petantur decernanturq;, pluri-
mum autem cum injuriâ depressorum sint con-
iuncti. Longè itaq; majorem laudem, augustissi-
simiq; triumphus splendorem mereretur, quam
hodie in Ecclesiâ Orthodoxâ celebramus victo-
riam, quâ invictissimus pariter & innocentissimus
Archangelus Michael, cum fortissimo celitum
exercitu, in salutem totius generis humani, anti-
quum illum Draconem, cum flagitiosâ suâ impuris-
simorum spirituum catervâ, commisso prælio su-
peravit; ex sedibus sanctorum expulit, & ad squali-
dissimos inferni cuniculos profligavit. Victor ac
Triumphator cui hodie, ex sancto religiosissimo-
rum Antistitum decreto, sacra triumphalia cele-
bramus, Celitum Imperator est, qui à Judæis dici-
tur Pontifex cæli, offerens Deo preces justorum &
ani-

animas. Unus ex Principibus primis celestis exerci-
tus, qui pro agno victoriosè militarunt, & pro no-
strâ salute insomnes excubias fideliter agunt, nosq;
â pestifero Draconis infernalis insultu indemnes
servant. Hic Michael est ille victor ac triumphator
semper augustus, qui omnes partes inculpatî Im-
peratoris & Strategici explevit. Justâ enim habuit
bellandi causam, quia pro agno i. e. Christo, & in eû
credentibus, militavit. Hostem habuit cui propter
stupendam superbiam & insidias arroganter stru-
ctas, ipse celi terræq; creator bellum indixit. Bel-
lum sine aliorû injuriâ gessit, quoniam avaras mâ-
nus, calamitate & lachrymis aliorum, quod hodie
passim fieri dolendum est, non replevit. Exer-
citû duxit Domini, quem Jacob vocat Mahanaim,
mille millium millia supplentē. Unde Dominus di-
citur Zebaoth, Dominus exercituum; quorum ve-
ra virtus est divinæ lucis radius; Quiq; nullo vi-
tîo contaminati, non sciscitari sensus Imperantis,
sed expedire iussa sseverunt. Debellavit autem
hic noster Strategicus ignivomum Draconem, an-
tiquum illum serpentem, qui vocatur Diabolus &
Satanas, quiq; miseros nos, noctu dieq; coram Tri-
bunali summi Judicis accusat, & circumit tanquam
Leo rugiens, ut inveniat quos devoret, cum suis
impiis angelis. Nostrum ergo est, Auditores Chri-
stianissimi, cum exercitû celestis militiæ, hunc no-
strum

strum Victorem & Triumphatorem devotissimo
cultu seqvi, ab impuris convitiis & contaminatis
moribus abstinere, solennem triumphum cele-
brare, & cum angelorū sanctissimo cetu canere.
Nunc facta est salus, & virtus & regnum
Dei nostri, & potestas Christi ejus, quia
projectus est accusator fratrum nostro-
rum, qui accusabat illos ante conspe-
ctum Dei die ac nocte, & ipsi vicerunt
eum propter Sangvinem agni, & pro-
pter verbum testimonii sui. Quod si piā
mente fecerimus, facere autem id, si Christiani,
omninò tenemur, sub tutamine sanctorum An-
gelorum, ab insidiis potestatum aeris,
salvi erimus atq; tuti.

P.P. Rostoch. Sub Sigillo Rector.
ipso die Michaeli Victori sacro.
Anno 1679.





animas. Unus ex Principibus primis celestus, qui pro agno victoriosè militarunt, strâ salute insomnes excubias fideliter agnâ pestifero Draconis infernalis insultu servant. Hic Michael est ille victor ac triumphans, semper augustus, qui omnes partes imperatoris & Strategici explevit. Justâ ebellandi causam, quia pro agno i. e. Christianis credentibus, militavit. Hostem habuit stupendam superbiam & insidias arrogantias, ipse celi terræq; creator bellum infernum sine aliorum injuriâ gessit, quoniam unus, calamitate & lachrymis aliorum, compassim fieri dolendum est, non replecitum duxit Domini, quem Jacob vocat mille millium millia supplentem. Unde dicitur Zebaoth, Dominus exercituum; cetera virtus est divinæ lucis radius; Quisquis contaminati, non sciscitari sensus sed expedire iussa siveverunt. Debella hic noster Strategicus ignivomum Draconem illum serpentem, qui vocatur Satanus, quiq; miseros nos, noctu dieq; tribunali summi Judicis accusat, & circum Leo rugiens, ut inveniat quos devore impiis angelis. Nostrum ergo est, Audacissimum, cum exercitu celestis militum

